



Përkufizimi i fjalës “nifak”:

Fjala “nifak” gjuhësisht domethënë: fshehje e ndonjë gjëje.

Kurse në terminologjinë fetare nifak domethënë: shfaqje e Islamit dhe fshehje e kufrit dhe e së keqes.

Llojet e nifakut:

Nifaku është dy llojesh:

1. Nifak i madh i besimit.
2. Nifak i vogël i veprës.

Nifaku i besimit:

a. Përkufizimi:

Nifaku i besimit është kur njeriu shfaq Islamin, ndërsa fsheh në brendësinë e tij kufirin (mosbesimin).

b. Norma për të:

Ky lloji i nifakut e nxjerr njeriun tërësisht nga feja dhe vepruesi i tij do të jetë në shtresën më të ulët të zjarrit.

c. Llojet e tij:

Ky nifak është gjashtë llojesh:

1. Përgënjeshtrimi i të Dërguarit të Allahut, sal-lallahu alejhi ue sel-lem.
2. Përgënjeshtrimi i ndonjë gjëje me të cilën ka ardhur i Dërguari i Allahut, sal-lallahu alejhi ue sel-lem.
3. Urrejtja e të Dërguarit të Allahut, sal-lallahu alejhi ue sel-lem.
4. Urrejtja e ndonjë gjëje me të cilën ka ardhur i Dërguari i Allahut, sal-lallahu alejhi ue sel-lem.
5. Gëzimi kur nënçmohet feja e Dërguarit të Allahut, Muhamedit, sal-lallahu alejhi ue sel-lem.
6. Urrejtja e fitores së fesë së të Dërguarit të Allahut, sal-lallahu alejhi ue sel-lem.

Nifaku i veprës:

a. Përkufizimi:

Nifaku i veprës është bërja e ndonjë prej veprave të munafikëve (hipokritëve) por duke pasur iman në zemër.

b. Norma për të:

Ky lloj i nifakut nuk e nxjerr njeriun nga feja, por është rreptësisht i ndaluar dhe njëherazi prej mëkateve të mëdha. Bërësi i tij ka nifak dhe iman, mirëpo në qoftë se shtohet nifaku, atëherë bëhet munafik i vërtetë.

c. Shembuj për këtë lloj nifaku:

1. Gënjeshtria: *"Kur flet gënjen"*.
2. Thyerja e premtimeve: *"Kur premtun nuk e mban premtimin"*.
3. Tradhtia kur i besohet: *"Kur i besohet tradhton"*.
4. Shpërthimi gjatë grindjes: *"Kur grindet shpërthen"*.
5. Mashtrimi në marrëveshje: *"Kur bën marrëveshje mashtron"*.
6. Dembelia për të falur namazin me xhemat në xhami: **"Në të vërtetë, hipokritët përpiqen të mashtronjë Allahun, por është Ai që i mashtron ata. Kur ata ngrihen për namaz, ngrihen me përtesë, vetëm sa për t'u dukur para botës dhe Allahun e përmendin fare pak."**¹
7. Syfaqësia në bërjen e veprave të mira: **"Kur ata ngrihen për namaz, ngrihen me përtesë, vetëm sa për t'u dukur para botës dhe Allahun e përmendin fare pak."**²

Marrë nga libri "Et-Teuhjd el-mujesser" i autorit Abdullah El-Huvejl
Përktheu: Jusuf Kastrati – Shembulli.com